



24. januar 2011

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppara:

Naalakkersuisunut apeqqut:

1. **KNR-Radiop mellembølgekkut aallakaatitsisarnerata ingerlatiinnarnissaa anguniarlugu mellembølgekkut aallakaatitsissutit nutarternissaat, ingerlatiinnarnissaat qanoq akeqarpa?**
2. **Mellembølge atorunnaartinneqassappat KNR-Radiomik tusarnaarsinnaajunnaartut tusarnaqqissinnaalernissaat anguniarlugu Naalakkersuisut qanoq sunillu suliniuteqartoqarpa?**

(Inatsisartuni ilaasorta, Karl Lyberth Siumut)

Tungavilersuut:

Naluneqanngitsutuut upernaq manna mellembølgekkut aallakaatitsissutit atorunnaarnissaat piler-saarutaavoq, nutaanngilineri aserfallatsaaliinerisalu akisunerat pissutigalugu. Aamma FM-ikkut aallakaatitsissutit ineriartortinneqarluarsimanerat patsisaatinneqartunut ilaavoq.

Mellembølgep atorunnaartinneqarnerata kingunerissavaa KNR-Radiop tusarnaarneqarsinnaajunnaarnera, pingaartumik kangerlunni qinngortuuni. Tamatuma uggornartumik kingunerissavaa kangerlunnut pulallutik aalisariat piniariallu KNR-Radio tusarnaarsinnaajunnaassammassuk.

Pingaartumik aasaanerani, minnerunngitsumik aavarfiup nalaani, inuppassuit kangerlunnut pulallutik eqalunnaatigalutik piniariartarput. Taakkununga pingaaruteqarluinnarpoq KNR-Radiomi aallakaatitanik tusarnaarsinnaajuarnissaq. Nutaarsiassat silassarlu tusassallugit pingaaruteqarluinnartarput, kisiannili aamma akuttugaluamik pissuteqavissumilli ilaqtariit piniariat KNR aqutigalugu qinnuigineqartarput ilaqtaminnut attaveqarniaqqullugit.

Mellembølgekkut aallakaatitsissutit aqutigalugit kiffartuussinerit pingaaruteqartut ingerlanneqarmata paaserusunnarpoq atorunnaarsinneqarpata sunik taarserniarneqarnerisut.